



Reglur Fjarðabyggðar um fjárhagsaðstoð

1. kafli

Lagagrundvöllur, markmið, skilgreiningar og ábyrgð

1. gr.

Lagagrundvöllur fjárhagsaðstoðar

Hverjum manni er skylt að framfæra sjálfan sig, maka sinn og börn yngri en 18 ára, sbr. hjúskaparlög nr. 31/1993, barnalög nr. 76/2003 og 19. gr. laga um félagsþjónustu sveitarfélaga nr. 40/1991.

Fjárhagsaðstoð er veitt til framfærslu einstaklinga og fjölskyldna sem ekki geta séð sér og sínum farborða án aðstoðar, sbr. IV. og VI. kafla laga um félagsþjónustu sveitarfélaga nr. 40/1991, með síðari breytingum.

Markmið fjárhagsaðstoðar er að tryggja að íbúar Fjarðabyggðar geti séð fyrir sér og sínum með því að veita þeim þá fjárhaglegu aðstoð sem nauðsyn krefur. Fjárhagsaðstoð skal veitt íbúum í tímabundnum erfiðleikum og er aðstoð til að mæta grunnþörfum.

Fjárhagsaðstoð er eingöngu ætluð til framfærslu en ekki til fjárfestinga eða greiðslu skulda. Þegar við á skal umsækjanda bent á að leita sér aðstoðar Umboðsmanns skuldara. Fjárhagsaðstoð er ávallt hluti af samstarfi við ráðgjafa.

Gefa skal sérstakan gaum að fjárhagslegum og félagslegum aðstæðum barnafjölskyldna og meta sérstaklega þarfir barna vegna þátttöku þeirra í þroskavænlegu félagsstarfi, í samræmi við 30. gr. laga um félagsþjónustu sveitarfélaga.

Félagsleg ráðgjöf skal jafnframt standa umsækjanda um fjárhagsaðstoð til boða, sbr. V. kafla laga um félagsþjónustu sveitarfélaga. Þjónustan skal miða að valdeflingu, hvatningu til virkrar þátttöku í samfélaginu og taka mið af einstaklingsbundnum þörfum og aðstæðum hvers og eins.

Við meðferð og vinnslu umsókna ber að sýna umsækjanda fyllstu virðingu og gæta trúnaðar um málefni hans.

2. gr.

Framfærsluskylda

Kanna skal til þrautar rétt umsækjanda um fjárhagsaðstoð til annarra greiðslna, þar með talið frá almannatryggingum, atvinnuleysistryggingum, lífeyrissjóðum og sjúkrasjóðum stéttarfélaga, svo og skal kanna rétt til aðstoðar samkvæmt lögum um námsstyrki. Fólk sem er í skráðri sambúð í Þjóðskrá á sama rétt til fjárhagsaðstoðar og hjón.

Sambúðin skal hafa verið skráð í Þjóðskrá í a.m.k. eitt ár áður en umsókn er lögð fram, sbr. 19. gr. laga um félagsþjónustu sveitarfélaga. Þeim er sækir um aðstoð skv. reglum þessum er skylt að leita sér að atvinnu og taka þeirri atvinnu sem býðst nema því aðeins að veikindi, örorka, hár aldur eða aðrar gildar ástæður hamli því.

3. gr.
Réttur til fjárhagsaðstoðar

Einstaklingar með lögheimili í Fjarðabyggð geta sótt um fjárhagsaðstoð skv. reglum þessum þegar:

- a. Viðkomandi hefur tekjur undir framfærsluviðmiðum og getur ekki séð sér og sínum farborða.
- b. Vegna sérstakra aðstæðna, s.s. áfengis- og vímuefna meðferðar og sérfræðiaðstoðar.

Tekið skal tillit til sérstakra aðstæðna eftir því sem við á og fjárhagsaðstoð veitt í eðlilegum tegslum við önnur úrræði fjölskyldusviðs, svo sem ráðgjöf, leiðbeiningar og virkni.

Við ákvörðun á fjárhagsaðstoð skal grunnfjárförf til framfærslu lögð til grundvallar og frá henni dregnar heildartekjur. Heimilt er að lækka grunnfjárhæð fjárhagsaðstoðar í ákveðnum tilvikum, sbr. 9. gr. reglna þessara.

4. gr.
Tímamörk fjárhagsaðstoðar

Réttur til fjárhagsaðstoðar byggir á nýjustu upplýsingum úr staðgreiðsluskrá og skattframtali umsækjanda fyrir þann mánuð sem sótt er um aðstoð. Fjárhagsaðstoð er greidd í lok mánaðar, einn mánuð í senn og skulu ákvarðanir um aðstoð að jafnaði ekki ná yfir lengra tímabil. Aðstæður þeirra sem hafa fengið fjárhagsaðstoð í þrjá mánuði samfellt skulu kannaðar sérstaklega og félagslegri ráðgjöf beitt ásamt öðrum viðeigandi úrræðum. Í slíkum tilvikum skal gerð áætlun um frekari meðferð máls og ef við á, benda viðkomandi m.a. á að leita til Umboðsmanns skuldara. Þá skal einnig gera samkomulag um félagslega ráðgjöf með samvinnu og samráð að leiðarljósi. Félaglegri ráðgjöf er ætlað að styrkja einstaklinginn til sjálfshjálpar.

Fjárhagsaðstoð er aldrei veitt lengra aftur í tímann en þrjá mánuði frá því að umsókn var lögð fram. Rökstuddar ástæður verða að réttlæta aðstoð aftur í tímann og verður skilyrðum fjárhagsaðstoðar að vera fullnægt allt það tímabil sem sótt er um.

5. gr.
Form fjárhagsaðstoðar

Fjárhagsaðstoð skal að jafnaði veitt sem styrkur. Fjárhagsaðstoð er einungis veitt sem lán óski umsækjandi þess eða könnun á aðstæðum leiðir í ljós að eðlilegt sé að gera kröfur um endurgreiðslur með tilliti til eigna og framtíðartekna.

Eftirfarandi skilyrði skulu uppfyllt fyrir lánveitingu:

- a) Fyrir liggi mat á endurgreiðslugetu umsækjanda. Aðeins skal veita lán þegar ljóst er að umsækjandi geti staðið í skilum við afborganir.
- b) Umsækjandi veiti skriflegt samþykki fyrir reglulegri skuldfærslu fyrir afborgunum lánsins af reikningi sínum.
- c) Umsækjandi er ekki með eldra lán.
- d) Ekki er heimild fyrir aðstoð vegna skuldastöðu umsækjanda eða ítrekaðra vanskila.

JKT

Ef veita á fjárhagsaðstoð sem lán og fyrir liggur að umsækjandi er þegar með eldra lán hjá fjölskyldusviði skal gera eldra lánið upp eða sameina það nýrri lánveitingu. Framfærslulán skulu endurgreiðast í einni greiðslu þegar lántaki fær þær tekjur sem von er á, t.d. frá Tryggingarstofnun ríkisins og öðrum sambærilegum stofnunum.

Framfærslulán er óheimilt að veita lengur en 3 mánuði samfellt.

2. kafli

Umsókn um fjárhagsaðstoð

6. gr.

Umsóknir og fylgigögn

Við mat á beiðnum um fjárhagsaðstoð skulu ætíð liggja fyrir eftirtalin gögn:

a. Umsókn um fjárhagsaðstoð skal leggja fram með rafrænum hætti í íbúagátt Fjarðabyggðar og undirrita með rafrænum skilríkjum. Umsókn getur einnig verið lögð fram á sérstöku eyðublaði hjá fjölskyldusviði Fjarðabyggðar, undirrituðu af umsækjanda eða talsmanni hans skv. formlegu umboði.

Í umsókn skulu koma m.a. fram upplýsingar um lögheimili, sambúðarstöðu, húsnæðisaðstæður, nafn maka og barna á framfæri og ástæður umsóknar. Umsækjanda ber að leggja fram dvalarleyfi í þeim tilfellum sem það á við.

b. Skattframtal síðastliðins árs, álagningarseðill, staðgreiðsluskrá umsækjanda og launa- og/eða greiðsluseðla fyrir tvo síðustu mánuði og þegar við á greiðsluáætlun frá Tryggingastofnun ríkisins og/eða Fæðingarorlofsjóði. Skila skal sömu upplýsingum fyrir sambúðaraðila. Einnig ber að skila skattframtali og eignayfirlýsingu frá ríkisfangslandi hafi viðkomandi eða sambúðaraðili búið erlendis á yfirstandandi ári eða síðasta tekjuári.

c. Upplýsingar um tekjur og eignir, þ.m.t. greiðslur frá Tryggingastofnun ríkisins, innlendum og erlendum lífeyrissjóðum, Atvinnuleysistryggingasjóði, sjúkrasjóðum stéttarféлага, Sjúkratryggingum Íslands eða öðrum aðilum, innanlands eða erlendis. Einnig yfirlit um innistæður í bönkum, sparisjóðum eða öðrum fjármálastofnunum. Þá skal eftir atvikum liggja fyrir upplýsingar um lánshæfismat og skuldastöðu frá Creditinfo skv. kafla 4 í reglum þessum. Slík upplýsingaöflun skal gerð í samráði við umsækjanda.

Neiti umsækjandi að veita upplýsingar um fjárhag sinn eða maka stöðvast afgreiðsla umsóknar hans.

Heimilt er að víkja frá framangreindum kröfum um framlagningu gagna ef um rökstutt neyðartilvik er að ræða.

Í þeim tilvikum sem umsækjandi er atvinnulaus skal hann framvísa staðfestingu á nýskráningu hjá Vinnumálastofnun er staðfestir atvinnuleysi. Jafnframt skal umsækjandi framvísa staðfestingum á umsóknum um störf. Umsækjandi skal að lágmarki sækja um eitt starf í viku. Hafi umsækjandi, án viðhlítandi skýringa, ekki skráð sig hjá Vinnumálastofnun skerðist fjárhagsaðstoð og greiðist þá helmingur grunnfjárhæðar til framfærslu.

Á meðan umsókn umsækjanda er í vinnslu hjá Vinnumálastofnun á viðkomandi ekki rétt á fjárhagsaðstoð í formi styrks, þar sem hann hlýtur atvinnuleysisbætur frá dagsetningu umsóknar.

Ef um veikindi er að ræða skal umsækjandi framvísa læknisvottorði. Í læknisvottorði skal koma fram mat læknis á óvinnufærni og áætlun um endurhæfingu ef við á. Almennt gilda læknisvottorð að hámarki í þrjá mánuði frá dagsetningu vottorðs.

Erlendum ríkisborgurum ríkis innan EES ber að framvísa staðfestingu á lögheimilisskráningu. Réttur til fjárhagsaðstoðar myndast þremur mánuðum eftir skráningu lögheimilis í landinu.

Í þeim tilvikum sem umsækjandi er erlendur ríkisborgari utan EES ber honum að framvísa skírteini um dvalarleyfi og staðfestingu á lögheimilisskráningu.

Umsækjandi sem hefur fengið dvalarleyfi á þeim forsendum að skyldur aðili ábyrgist framfærslu hans á að jafnaði ekki rétt til fjárhagsaðstoðar.

Í sérstökum tilvikum má veita erlendum ríkisborgurum með ríkisfang utan EES fjárhagsaðstoð samanber 15. grein laga um félagsþjónustu sveitafélaga 1991/40. Aðstoðin er veitt í sérstökum tilvikum þegar fyrirsjáanlegt er að einstaklingur hefur ekki möguleika á að fara úr landi eða framfleyta sér hér á landi án aðstoðar íslenskra stjórnvalda.

Beri umsókn og fylgigögn hennar ekki með sér nauðsynlegar upplýsingar um framangreind atriði, skal starfsmaður tilkynna umsækjanda um hvaða gögn skorti og hvaða afleiðingar slíkt geti haft. Jafnframt skal leiðbeina umsækjanda hvert hann skuli leita til að afla viðkomandi gagna eða til að fá nánari upplýsingar um réttarstöðu sína, sbr. 29. gr. þessara reglna.

Starfsmaður skal gera umsækjanda grein fyrir forsendum og markmiðum fjárhagsaðstoðar vegna hvernar umsóknar. Öflun gagna og upplýsinga skal unnin í samvinnu við umsækjanda. Við meðferð umsóknar og ákvarðanatöku skal leitast við að hafa samvinnu og samráð við umsækjanda eftir því sem unnt er, að öðrum kosti umboðsmann hans ef við á. Umboðsmaður skal framvísa skriflegu umboði. Ef umbeðin gögn berast ekki innan tveggja vikna frá því að umsókn er lögð fram er henni vísað frá.

7. gr.

Félagsleg ráðgjöf og samráð

Kanna skal sérstaklega aðstæður umsækjanda sem fengið hefur fjárhagsaðstoð lengur en þrjá mánuði. Samhliða skal veita félagslega ráðgjöf, sbr. V. kafla laga um félagsþjónustu sveitarfélaga nr. 40/1991. Gera skal einstaklingsáætlun þar sem hafa skal samvinnu og samráð að leiðarljósi, sbr. 8. gr. og 58. gr. laga um félagsþjónustu sveitarfélaga.

3. kafli

Réttur til fjárhagsaðstoðar

8. gr.

Upphæðir fjárhagsaðstoðar

Framfærslugrunnur tekur mið af útgjöldum vegna daglegs heimilishalds og miðast við framfærsluviðmið fyrir einstaklinga hjá Umboðsmanni skuldara. Upphæðir fjárhagsaðstoðar eru eftirfarandi:

Framfærslugrunnur miðar við einstaklinga 18 ára og eldri sem sannanlega reka eigið heimili. Með rekstri eigin heimilis er átt við þær aðstæður þegar viðkomandi býr í eigin húsnæði eða leigir húsnæði og leggur fram þinglýstan húsaleigusamning því til staðfestingar.

Framfærslugrunnur einstaklinga 18 ára og eldri sem búa með öðrum, hvort sem það er hjá foreldrum, ættingjum eða öðrum aðilum og nýtur hagræðis að því, leigja húsnæði án þinglýsts leigusamnings, eða hafa ekki aðgang að húsnæði er á kvarðanum 0,5.

Framfærslugrunnur hjóna og fólks í sambúð er á kvarðanum 1,6.

Framfærslugrunnur einstæðra foreldra er á kvarðanum 1,6

Framfærslugrunnur hjóna og fólks í sambúð með börn er á kvarðanum 1,8.

Til viðbótar við grunnfjárhæð skal í hverjum mánuði greidd sérstök fjárhagsaðstoð fyrir hvert barn sem er með lögheimili og á framfæri foreldris sem fær fjárhagsaðstoð til framfærslu samkvæmt reglum þessum. Skal aðstoðin mæta kostnaði vegna dvalar barna í leikskóla í allt að átta tíma og dvalar barna í frístund, fimm daga í viku. Fjárhæð fjárhagsaðstoðarinnar tekur mið af gjaldskrá leik- og grunnskóla Fjarðabyggðar hverju sinni. Greitt er gegn framvísun greiðslukvittana.

Frá upphæð fjárhagsaðstoðar dragast skattskyldar tekjur sbr. 10. gr. í reglum þessum. Miða skal við heildartekjur áður en tekjuskattur er dregin frá.

Aðstoð við námsmenn fer eftir ákvæðum 14. og 20. gr. í reglum þessum.

Einstaklingar 18 ára og yngri eiga ekki rétt á fjárhagsaðstoð.

9. gr.

Skerðing fjárhagsaðstoðar

Hafni einstaklingur vinnu eða vinnumarkaðsúræðum, hefur verið settur á bið hjá Vinnumálastofnun, hefur fyrirgert rétti sínum til atvinnuleysisbóta eða hefur ekki sinnt virkri atvinnuleit með sannanlegum hætti er heimilt að greiða þriðjung grunnfjárhæðar til framfærslu þann sama mánuð og mánuðinn þar á eftir. Sama gildir um umsækjanda sem hætt hefur þátttöku í átaksverkefni, endurhæfingu eða námi, nema veigamiklar ástæður liggja að baki að mati ráðgjafa.

Þeir einstaklingar sem fá fjárhagsaðstoð til framfærslu á grundvelli læknisvottorðs um óvinnufærni skulu í samvinnu við viðeigandi fagaðila gera einstaklingsáætlun sem miðar að því að umsækjandi nái vinnufærni að öllu leyti eða að hluta. Sinni einstaklingur ekki einstaklingsáætlun er heimilt að greiða þriðjung grunnfjárhæðar til framfærslu þann mánuð og mánuðinn á eftir nema um veigamiklar ástæður sé að ræða.

Læknisvottorð skal útgefið af heilsugæslu- eða sérfræðilækni umsækjanda og ekki til lengri tíma en þriggja mánaða. Í læknisvottorði skal koma fram mat læknis á vinnufærni og áætlun á endurhæfingu þegar það á við. Læknisvottorð skal að jafnaði ekki vera eldra en fjögurra vikna þegar það er lagt fram.

Hafni viðkomandi þátttöku í einstaklingsáætlun, sbr. 7. gr. reglna þessara og/eða stendur ekki við áætlunina er heimilt að greiða þriðjung grunnfjárhæðar til framfærslu, eða henni verður hætt, enda liggja fyrir rökstuddar ástæður af hálfu stofnunarinnar.

Taka skal mið af félagslegum aðstæðum barna áður en ákvörðun er tekin um skerðingu fjárhagsaðstoðar til einstaklinga sem eru með börn á framfæri.

10. gr.

Tekjur umsækjanda/maka

Með tekjum er átt við allar innlendar og erlendar skattskyldar tekjur einstaklings og sambúðaraðila s.s. atvinnutekjur, aðrar skattskyldar tekjur; greiðslur frá Tryggingastofnun ríkisins, Sjúkratryggingum Íslands eða sjúkrasjóðum stéttarfélaganna, greiðslur úr lífeyrissjóðum, atvinnuleysisbætur, leigutekjur, verktakagreiðslur, greiðslur úr Fæðingarorlofssjóði, mæðra- og feðralaun og framlag til menntunar eða starfsþjálfunar samkvæmt 62. gr. barnalaga nr. 76/2003 sem ungmenni 18-20 ára kunna að fá.

Allar tekjur einstaklings og sambúðaraðila skv. nýjustu upplýsingum úr staðgreiðsluskrá og skattframtali síðastliðna þrjú mánuði koma til frádráttar við ákvörðun um upphæð fjárhagsaðstoðar, að undanskildum greiðslum vegna barna, húsnæðis-/vaxtatekna og/eða sérstaks húsnæðisstuðnings. Mæðra- og feðralaun reiknast umsækjanda til tekna.

Heimilt er að veita undanþágu frá tekjum fyrri mánaðar vegna einstaklinga sem eru að ljúka endurhæfingu og hafa fengið greiddan endurhæfingarlífeyri frá Tryggingastofnun ríkisins, fyrsta mánuð eftir að greiðslum lýkur.

Miða skal við heildartekjur áður en tekjuskattur hefur verið dreginn frá.

11. gr.

Eignir umsækjanda/maka

Eigi umsækjandi, maki hans eða sambúðaraðili peningalegar eignir eða aðrar eignir umfram íbúðarhúsnæði sem umsækjandi býr í og eina fjölskyldubifreið, eða hafi hann nýlega selt eignir sínar, skal umsækjanda vísað á lánaþingreiðslu banka og sparissjóða þó að tekjur viðkomandi séu undir viðmiðunarmörkum.

12. gr.

Kostnaður vegna húsnæðis

Við afgreiðslu fjárhagsaðstoðar er gert ráð fyrir að kostnaður umsækjanda vegna húsnæðis verði mætt með greiðslum húsnæðis- eða vaxtabóta, sem og hluta af framfærslugrunni.

13. gr.

Atvinnurekendur, sjálfstætt starfandi einstaklingar, hlutastörf

Atvinnurekandi eða sjálfstætt starfandi einstaklingur á kost á fjárhagsaðstoð hafi hann hætt rekstri og lokað vsk-númeri auk þess að hafa leitað réttar síns til atvinnuleysisbóta í samræmi við ákvæði laga nr. 54/2006 um atvinnuleysistryggingar.

Sé umsækjandi í hlutastarfi með tekjur undir grunnfjárhæð skal gerð krafa um að viðkomandi skrái sig hjá Vinnumálastofnun og óski eftir fullu starfi.

14. gr.
Styrkur vegna skólagjalda og kaupa á námsgögnum

Heimilt er að veita tekjulágum foreldrum sem hafa átt við langvarandi félagslega erfiðleika að etja fjárstyrk vegna náms barna yngri en 18 ára sem stunda nám í framhaldsskóla. Styrkurinn er veittur vegna innritunargjalda og kaupa á námsgögnum. Hámarks upphæð er ¼ af grunnframfærslu á barn fyrir hverja önn.

15. gr.
Aðstoð til foreldra vegna barna á þeirra framfæri

Heimilt er að veita sérstaka aðstoð til foreldra vegna barna á þeirra framfæri í eftirtöldum tilvikum.

a) Heimilt er að veita sérstaka aðstoð til foreldra í þeim mánuði sem þeir fá greidda fjárhagsaðstoð til framfærslu samkvæmt reglum þessum vegna skólabyrjunar þann 15. ágúst og sérstaka aðstoð vegna jólahalds þann 1. desember á ári hverju. Um er að ræða 1/10 af grunnframfærslu fyrir hvert barn í hvort skipti. Heimildin nær til þeirra foreldra sem fá greidda fjárhagsaðstoð til framfærslu samkvæmt reglum þessum í ágúst og desember ár hvert.

b) Í þeim tilvikum þar sem um er að ræða sérstök meðferðar- og/eða stuðningssjónarmið, fyrirbyggjandi starf á sviði barnaverndar eða á grundvelli einstaklingsáætlunar, er heimilt að veita foreldrum styrk vegna áfallandi greiðslna sem nema heildarkostnaði eða hluta hans vegna daggæslu barns í heimahúsum, leikskóla, skóladagvist, frístundaheimilis, sumardvalar, skólagjalda og/eða þátttöku barns í þroskandi félags-, íþrótt- og tólmstundastarfi. Ætíð skal vera um tímabundna samþykkt að ræða, sem sætir endurskoðun á þriggja mánaða fresti.

Hámarksaðstoð skal miðast við þriðjung grunnfjárhæðar til framfærslu. Félagspjónusta greiðir úrræði beint til þjónustuveitanda skv. reikningi.

Gildistími umsóknar er þrjú mánuðir frá samþykkisdegi.

16. gr.
Húsbúnaðarstyrkur

Húsbúnaðarstyrk má veita þeim einstaklingum sem eru eignalausir, eiga í miklum félagslegum erfiðleikum og með tekjur við viðmiðunarmörk sem eru að hefja búskap í fyrsta skipti og eiga ekki húsbúnað.

Húsbúnaðarstyrkur getur að hámarki orðið kr. 150.000,- og greiðist að jafnaði aðeins í eitt skipti gegn framvísun kvittana.

17. gr.
Greiðsla sérfræðiaðstoðar

Einungis er sérfræðiaðstoð greidd til þeirra einstaklinga sem eru undir framfærsluviðmiðum Umboðsmanns skuldara og eiga ekki rétt á aukinni greiðsluþátttöku ríkisins. Undantekning er

gerð vegna aðstoðar við áfengis- og vímuefnamedferð eða sambærilegrar aðstoðar sem ekki er niðurgreidd annarsstaðar. Þá er miðað við grunnframfærslu Tryggingarstofnunar.

A. Styrkur til greiðslu tannlækninga.

Heimilt er undir sérstökum kringumstæðum, að veita einstaklingi sem hefur tekjur á eða undir viðmiðunarmörkum undanfarna tólf mánuði styrk til nauðsynlegra tannlækninga.

Viðmiðunarmörk aðstoðar er hálf grunnfjárhæð á ári og kostnaðaráætlun tannlæknis skal fylgja með umsókn. Aðstoðin er greidd út gegn framlögðum reikningum vegna þjónustunnar.

B. Styrkur til greiðslu viðtala hjá sérfræðingum.

Heimilt er að veita einstaklingi sem hefur búið við mikla félagslega erfiðleika til lengri tíma eða sem hefur orðið fyrir alvarlegum áföllum, svo sem skyndilegum ástvinamissi eða alvarlegu ofbeldi styrk til greiðslu viðtala hjá viðurkenndum fagaðilum, enda sé fyrirsjáanlegt að ekki sé hægt að veita þjónustuna innan fjölskyldusviðs eða á vegum opinberra heilbrigðisstofnana, þeim að kostnaðarlausu.

Skilyrði fyrir veitingu styrksins er að viðkomandi einstaklingur sé á eða við viðmiðunarmörk fjárhagsaðstoðar.

Að jafnaði skal veita aðstoð að hámarki fimm skipti í senn og að hámarki tíu skipti á ári. Heimilt er að kalla eftir umsögn fagaðila og meta þörf fyrir frekari aðstoð.

Aðstoðin er greidd út gegn framlögðum reikningum vegna þjónustunnar.

18. gr. Útfararstyrkir

Heimilt er að veita styrk vegna útfarar þegar sannreynt hefur verið að dánarbú getur ekki kostað útför hins látna. Viðmiðunarmörk eru grunnfjárhæð *1,6.

Eftirfarandi gögn þurfa að fylgja umsókn um útfararstyrk:

- a. Staðfest ljósrit af skattframtali hins látna og útprentun úr staðgreiðsluskrá Ríkisskattstjóra.
- b. Launaseðlar og greiðslufirlit frá Tryggingarstofnun og lífeyrissjóðum.
- c. Staðfesting frá stéttarfélagi um rétt til útfararstyrks. Styrkur frá stéttarfélagi kemur til frádráttar frá aðstoð fjölskyldusviðs.
- d. Tilkynning sýslumanns um skiptalok á grundvelli eignayfirlýsingar, sbr. 25. gr. laga um skipti á dánarbúum o.fl. nr. 20/1991, eða einkaskiptaleyfi útgefið af sýslumanni til erfingja skv. 31. gr. og sbr. 28. gr. sömu laga.

Heimilt er að veita eftirlifandi maka lán eða styrk vegna útfarar þegar eignir dánarbús hrökkva ekki til og eignir eftirlifandi maka eru ekki umfram íbúðarhúsnæði sem umsækjandi býr í og eina fjölskyldubifreið sbr. 11. gr. reglna þessara.

Heimilt er að veita tekjulágu foreldri eða foreldrum lán eða styrk vegna útfararkostnaðar barns þess þegar dánarbúið getur ekki greitt fyrir útför barns og eignir foreldra eru ekki aðrar en íbúðarhúsnæði sem umsækjandi býr í.

19. gr. Áfallaðstoð

Einstaklingur með skattskyldar tekjur um eða við tekjuviðmið Tryggingarstofnunar sem verður fyrir skyndilegum eignamissi vegna bruna, veikinda eða annarra áfalla á kost á láni eða styrk, allt að kr. 200.000,-. Sama gildir ef rýma þarf húsnæði umsækjanda af heilbrigðisástæðum. Hafi umsækjandi tryggingu sem líklegt er að bæti tjónið skal aðstoð veitt með láni sem endurgreiðist þegar tryggingafélag hefur innt bótagreiðslu af hendi.

20. gr. Námsstyrkir

Námsstyrki er heimilt að veita einstaklingum eða einstæðum foreldrum sem átt hafa í miklum félagslegum og fjárhagslegum erfiðleikum og hafa ekki lokið grunnskóla eða framhaldsskóla. Umsækjandi þarf að hafa haft tekjur undanfarna þrjá mánuði sem eru undir grunnfjárhæð, eða tekjur sex undanfarna mánuði lægri en lágmarks atvinnuleysisbætur.

Aðstoðin miðast við mánaðarlega greiðslu grunnfjárhæðar ásamt skólagjöldum, innritunarkostnaði og bókakostnaði (að hámarki því sem nemur helmingi grunnfjárhæðar og að framlögðum reikningum einstaklings) í upphafi annar.

Námsstyrkir skulu vera liður í umfangsmeiri vinnu starfsmanna fjölskyldusviðs og einstaklings sem miðar m.a. að því að gera viðkomandi kleift að lifa efnahagslega sjálfstæðu lífi.

Heimilt er að stöðva greiðslur til einstaklinga sýni þeir ekki fram á 75% námsárangur miðað við fullt nám þess skóla sem hann gengur í eða ef nemandi uppfyllir ekki mætingarskyldu skólans.

Fjölskyldusvið Fjarðabyggðar og einstaklingur skulu gera með sér samning um félagslega ráðgjöf, þar sem kemur fram hvernig skuli staðið að skilum gagna varðandi skólasókn, námsframvindu og einkunnir. Einkunnum skal ætíð skilað í annarlök.

Miða skal við að námið leiði til þess að einstaklingur geti síðar hafið nám sem er lánshæft hjá Lánasjóði íslenskra námsmanna. Ákvarðanir um námsstyrki skulu teknar fyrir hverja önn og er heimilt að halda námsaðstoð áfram með hliðsjón af námsframvindu í að hámarki þrjár annir.

21. gr. Ábyrgðaryfirlýsing vegna tryggingar húsaleigu

Heimilt er að gefa út ábyrgðaryfirlýsingu til tryggingar húsaleigu að hámarki 600.000 kr., til þeirra sem eru með skattskyldar tekjur um eða við tekjuviðmið Tryggingarstofnunar.

Umsækjandi skal leggja fram staðfestingu á því að hann eigi ekki kost á láni frá bönkum eða lánastofnunum.

Skilyrði 3. mgr. 5. gr. reglna þessara skulu vera uppfyllt sé veitt aðstoð samkvæmt þessu ákvæði.

Húsaleigusamningur skal liggja fyrir áður en ábyrgðaryfirlýsing er gefin út. Framvísa skal afriti af þinglýstum húsaleigusamningi.

Húsaleigutryggingu skal veita í formi yfirlýsingar um ábyrgð til leigusala.

Aðstoð samkvæmt þessu ákvæði skal að hámarki veitt einu sinni á 12 mánaða tímabili.

22. gr.

Styrkur vegna sérstakra erfiðleika

Heimilt er að veita styrk, allt að kr. 200.000,- fyrir hvert heimili að uppfylltum eftirfarandi skilyrðum:

- a. Að tekjur einstaklings séu á eða undir viðmiðunarmörkum.
- b. Að fyrir liggi yfirlit starfsmanns fjölskyldusviðs eða Umboðsmanns skuldara um fjárhagsstöðu umsækjanda og tillögur að úrbótum þegar við á.
- c. Að umsækjandi hafi ekki fengið fyrirgreiðslu skv. þessari grein undanfarna 12 mánuði.
- d. Að umsækjandi hafi ekki aðgang að lánaþyrirgreiðslu banka, sparisjóða eða annarra lánastofnana, þar sem það á við.
- e. Að fyrir liggi samningur um félagslega ráðgjöf eða fjármálaráðgjöf, þar sem það á við.

Ekki er heimilt að veita styrk til greiðslu skulda við banka, sparisjóði eða aðrar lánastofnanir, s.s. greiðslukortafyrirtæki. Þá er ekki heimilt að veita styrk til greiðslu skattskulda eða sekta, né heldur til greiðslu skulda við einkaaðila.

Styrkurinn er veittur til kaupa á nauðsynjum, svo sem gleraugum, heyrnartækjum og öðrum hjálpartækjum. Jafnframt er heimilt að veita fæðingarstyrki séu tekjur undir viðmiðunarmörkum. Þá er heimilt að veita einstaklingum á meðferðar- eða sjúkrastofnunum styrk vegna húsnæðiskostnaðar til allt að tveggja mánaða.

Styrkurinn kemur að jafnaði aðeins til álita sýni umsækjandi fram á að styrkur muni breyta stöðu hans til hins betra þegar til lengri tíma er litið.

Heimilt er að veita styrk til þeirra sem eru með skattskyldar tekjur um eða við tekjuviðmið Tryggingarstofnunar, til heildarþrifa á íbúð sem er orðin það heilsuspillandi að illmögulegt er að búa við þær aðstæður. Skilyrði er að starfsmaður fjölskyldusviðs Fjarðabyggðar meti aðstæður. Styrkurinn er greiddur skv. reikningi beint til þjónustuaðila.

Heimilt er að veita þeim einstaklingum sem uppfylla skilyrði um stuðningsþjónustu Fjarðabyggðar og eru undir viðmiðunartekjumörkum Tryggingastofnunar styrk til að greiða fyrir garðslátt. Styrkurinn er greiddur skv. reikningi beint til þjónustuaðila.

23. gr.
Áfengis- og vímuefnaneysla

Heimilt er að veita styrk til greiðslu á dvöl í viðurkenndri áfengis- eða vímuefnameðferð einstaklinga að upphæð sem nemur hálfri grunnfjárhæð, að hámarki einu sinni á ári.

24. gr.
Bráðaaðstoð

Heimilt er að veita einstaklingi bráðaaðstoð þó svo öll tilskilin gögn fylgi ekki umsókn ef um brýna neyð er að ræða. Bráðaaðstoð getur ekki numið hærri upphæð en $\frac{1}{4}$ af grunnfjárhæð einstaklings á mánuði. Reynist umsækjandi eiga rétt á fjárhagsaðstoð samkvæmt reglum þessum skal tekið tillit til lánsins/styrksins við útborgun fjárhagsaðstoðar.

4. kafli
Málsmeðferð

25. gr.
Könnun á aðstæðum

Kanna skal aðstæður umsækjanda svo fljótt sem unnt er eftir að umsókn um fjárhagsaðstoð hefur borist. Sama á við ef fjölskyldusviði berast upplýsingar um nauðsyn á aðstoð með öðrum hætti.

Fjölskyldusvið skal taka ákvörðun í máli svo fljótt sem unnt er og sjá jafnframt til þess að mál sé nægjanlega upplýst áður en ákvörðun er tekin.

26. gr.
Samvinna við umsækjanda

Öflun gagna og upplýsinga skal unnin í samvinnu við umsækjanda. Við meðferð umsóknar og ákvarðanatöku skal leitast við að hafa samvinnu og samráð við umsækjanda eftir því sem unnt er.

27. gr.
Varðveisla gagna, trúnaður og aðgangur að gögnum

Málgögn er varða persónulega hagi einstaklinga skulu varðveitt með tryggilegum hætti. Starfsmenn eru bundnir þagnaskyldu um málefni umsækjanda. Hafi starfsmenn kynnst einkahögum umsækjanda eða annarra í starfi sínu er þeim óheimilt að fjalla um þau mál við óviðkomandi nema að fengnu samþykki viðkomandi. Þagnarskylda helst þótt látið sé af starfi.

Umsækjandi á rétt á að kynna sér upplýsingar úr skráðum gögnum sem varða mál hans að svo miklu leyti sem það stangast ekki á við trúnað gagnvart öðrum.

28. gr.
Rannsóknarskylda

Starfsmaður skal, ef þörf krefur, afla frekari upplýsinga um tekjur, eignir og réttindi umsækjanda, svo sem hjá skattayfirvöldum, atvinnurekendum, Tryggingastofnun ríkisins, lífeyrissjóðum, stéttarfélögum, Sjúkratryggingum Íslands, Atvinnuleysistryggingasjóði og Fæðingarorlofssjóði. Einnig skal afla upplýsinga um önnur atriði, t.d. félagslegar aðstæður, eftir því sem umsókn gefur tilefni til.

29. gr.

Upplýsingaskylda umsækjanda

Skylt er að veita starfsmanni hverjar þær upplýsingar sem máli skipta vegna umsóknar um fjárhagsaðstoð.

Heimilt er að synja umsókn um fjárhagsaðstoð neiti umsækjandi eða maki hans að veita upplýsingar um aðstæður sínar, þ.m.t. fjárhag, eignir og annað sem varðar umsókn.

Upplýsa ber umsækjanda um möguleg neikvæð áhrif veittrar fjárhagsaðstoðar á umsókn um íslenskan ríkisborgararétt skv. 9. gr. laga um íslenskan ríkisborgararétt nr. 100/1952

30. gr.

Leiðbeiningar til umsækjanda

Við afgreiðslu umsóknar skal starfsmaður veita umsækjanda almennar upplýsingar um rétt sem hann kann að eiga annars staðar, t.d. hjá Tryggingastofnun ríkisins, Vinnumálastofnun, stéttarfélögum, Sjúkratryggingum Íslands, lífeyrissjóðum, Fæðingarorlofssjóði, Lánasjóði íslenskra námsmanna eða tryggingarfélögum. Leiðbeina skal umsækjanda um hvert hann skuli leita til að fá nánari upplýsingar um réttarstöðu sína og ákvarðanir þar um eða eftir atvikum framsenda erindið með upplýstu samþykki hans til viðkomandi stofnunar og tilkynna umsækjanda um þá ákvörðun.

Starfsmaður skal eftir atvikum hafa samvinnu við aðra opinbera aðila á sviði félagsþjónustu um skipulag þjónustu og málefni einstaklinga sem fá fjárhagsaðstoð, allt í samræmi við lög um persónuvernd og vinnslu persónuupplýsinga nr. 90/2018.

Upplýsa skal umsækjanda um fyrirhugaða upplýsingaöflun samkvæmt 57. gr. laga um félagsþjónustu sveitarfélaga, sbr. 2. mgr. 17. gr. laga um persónuvernd og vinnslu persónuupplýsinga, nr. 90/2018.

31. gr.

Rangar/villandi upplýsingar

Fjárhagsaðstoð veitt á grundvelli rangra eða villandi upplýsinga af hendi umsækjanda er endurkræf.

Hafi umsækjanda verið greidd hærri fjárhagsaðstoð en vera bar samkvæmt reglum þessum getur fjölskyldusvið endurkafið viðkomandi eftir almennum reglum kröfuréttar.

Liggi fyrir að ofgreiðslu megi rekja til rangra eða villandi upplýsinga umsækjanda er heimilt að draga upphæðina frá fjárhagsaðstoð sem umsækjandi kynni að öðlast rétt til síðar. Þó verður að gæta þess að ekki verði gengið lengra en svo við skuldajöfnuð að umsækjandi geti áfram séð fyrir sér og sínum.

Ef sannreynt er við vinnslu máls að upplýsingar sem umsækjandi hefur veitt eru rangar eða villandi stöðvast afgreiðsla umsóknar.

32. gr.

Heimildir til ákvarðana samkvæmt reglum þessum

Starfsmenn fjölskyldusviðs Fjarðabyggðar taka ákvarðanir samkvæmt reglum þessum í umboði sviðsstjóra fjölskyldusviðs Fjarðabyggðar.

33. gr.

Kynning á ákvörðun

Kynna skal niðurstöður umsóknar svo fljótt sem unnt er. Sé umsókn synjað í heild eða að hluta skal umsækjandi fá skriflegt svar þar sem vísað er með skýrum hætti til viðeigandi ákvæða reglna þessara og leiðbeint um heimild til að óska rökstuðnings fyrir synjun ef ákvörðuninni fylgdi ekki rökstuðningur.

Upplýsa skal umsækjanda um rétt hans til að fara fram á endurskoðun ákvörðunar og um leið rétt hans til að fara fram á að viðeigandi nefnd innan Fjarðabyggðar fjalli um umsóknina og eftir atvikum Gæða- og eftirlitsstofnunar velferðarmála, gev.is.

34. gr.

Málkotsréttur

Telji umsækjandi á rétt sinn hallað samkvæmt reglum þessum getur umsækjandi að fengnum rökstuðningi vísað máli sínu til viðeigandi nefndar Fjarðabyggðar innan fjögurra vikna frá því honum barst vitneskja um ákvörðun. Viðeigandi nefnd Fjarðabyggðar skal fjalla um umsókn og taka ákvörðun svo fljótt sem unnt er.

Umsækjandi getur skotið ákvörðun nefndar til Úrskurðarnefndar velferðarmála Katrínartúni 2, 105 Reykjavík eða á urvel.is. Skal það gert innan þriggja mánaða frá því að umsækjanda barst vitneskja um ákvörðun nefndar.

35. gr.

Endurupptaka máls

Umsækjandi getur óskað þess að mál sé tekið til meðferðar á ný ef afgreiðsla nefndar á umsókn hans hefur byggst á ófullnægjandi eða röngum upplýsingum um málsatvik eða ákvörðun hefur byggst á atvikum sem breyst hafa verulega frá því að ákvörðun var tekin. Beiðni um endurupptöku skal beina til bæjarráðs, innan þriggja mánaða frá birtingu ákvörðunar.

Meti bæjarráð að lagaleg skilyrði séu fyrir hendi, er erindi um endurupptöku vísað til nefndar til málsmeðferðar. Efnisatriði máls skulu ekki lögð fyrir bæjarráð.

5. kafli

Annað

36. gr.

Grunnupphæð fjárhagsaðstoðar

Grunnupphæð fjárhagsaðstoðar tekur mið af framfærsluviðmiði Umboðsmanns skuldara og skal breytt í samræmi við hana.

**37. gr.
Gildistími**

Reglur þessar eru byggðar á leiðbeiningum félags- og tryggingamálaráðuneytisins varðandi reglur sveitarfélaga um fjárhagsaðstoð og taka gildi við samþykkt bæjarstjórnar.

Fjarðabyggð 25. janúar 2024

The image shows a handwritten signature in blue ink, which appears to be 'Jón A. Þórðardóttir'. Below the signature is a circular blue stamp. The stamp contains the text 'FJARÐABYGGÐ' at the top and 'Bæjarstjórn' at the bottom. In the center of the stamp is a shield-shaped emblem with a blue and white design.